

30. apriril valitas parõmbit vahtsit võrokeelitsit laulõ

30. apriril om Urvastõ lähiksel Pokumaa võistluskontsõrt Uma Laul II, kon valitas vällä parõmba vahtsõ võrokeelitse laulu. Inne kontsõrdi alostust antas pressikonverents ja kõrraldaja kirotasõ ala võrokeelitse leppe sponsoridõga. Sponsor omma Nopri Talumeierei, Arke Lihatuüstus ja Lõuna Pagar.

Võistlus Uma Laul II kuulutõdi vällä märtsi alostusõn ja vahtsidõ laule ärsaatmisõ tärminis, 25. aprillis, saiva kõrraldaja 12 autori käest 29 vahtsõt laulu. Võistluskontsõrdil laultas egält autorilt kats laulu ja žürii vali näide siäst vällä kõge parõmba. Parembidõ laulõ autori saava üles astu Uma Pido pääväprogrammin ja nä võiva ka luuta, et näide laul valitas järgmidse Uma Peo repertuaari hulka. Nii näütüses laultas 29. mail Umal Pido minevaastadse võistlusõ ütte võidulaulu – Ilvesse Aapo „Lodi tuu, lodi vii“. Kõik võistlusõlõ saadõt laulu ja kontsõrdi video antas üle Eesti Rahvaluulõ Arhiivilõ.

Lauluvõistlusõ kõrraldaja Meeliste Siim ütles, et võistlusõlõ om saadõt väega mitmesugutsit laulõ. „Kimmäle om perädu põnnõv kullõlda, kuis võistlusõlõ saadõt laulu kontsõrdil kõlasõ. Ma usu, et Uma Laulu kontsõrt jääs kõigilõ häste miilde“, arvas Melliste kontsõrdi kotalõ.

Žüriin omma Johanson Ants (SA Tarto Muusigafestival), Fastri Mariko (Võro Instituut), Särje Taive (Eesti Kirändüsmuseum) ja Metsuri Marje (näütlejä, II Uma Pido memm).

Kontsõrt alostas pääle kell 16.00, pilet mass 25 kruuni. Võistluskontsõrti ja pressikonverentsi tugõ Pokumaa. Avvuhinna omma vällä pandnu Eesti Kirändüsmuseum, Võro Instituut, Võro Selts VKKF, MTÜ Võro Noorõ Mehe, Eesti Suurõtiimuseum, Savi turismitalu, Taivaskua Salamaa, Pesä hotell, MTÜ Piusamaa, Pokumaa ja Nopri meierei.

Teedüs:
võistluse Uma Laul II kõrraldaja
Siim Meeliste
Tel 56478568
smeeliste@gmail.com

Pressiteate and' edesi:
Mari-Liisa Parder
II Uma Pido kommunikatsioonijuht
mariliisa.p@gmail.com
Tel: 50 52 517